

Ўзида кўп яхшиликларни жамлаган дуо



02:31 / 08 январь 1494

???? ?????????? ????? ?????????? ?????? ?????????

?????: ?????? ?????????? ?????? ?????????? ?????? ???????????

????????? ?????????????????? ?????? ??????????: ?????????????

????????? ?????????????????? ?????????????????? ??? ???????????????

????????????????? ?????????????? ??????????????? ??????????????????

????????? ?????????????????? ?????????????? ??????????????????

????????????????? ?????????????? ?????????????? ??????????????

????????????? ?????????????? ?????? ?????? ??????? ??? ?????????????

????????????? ????? ?????? ??? ??????????

????????????????????? ?????? ?????????????? ?????????? ???????

????????? ??????????????.

Шаддод ибн Авс розияллоҳу анҳудан ривоят қилинади:

«Расулуллоҳ соллаллоҳу алайҳи васаллам бизга қуйидагиларни айтмоқни ўргатар эдилар:

«Аллоҳим! Албатта, мен Сендан ишда саботни сўрайман. Ва рушдда азми қарорни сўрайман. Сендан неъматингга шукр қилишни, ибодатингни гўзал қилишни сўрайман. Сендан содиқ тил ва солим (саломат) қалб сўрайман. Сендан Ўзинг биладиган нарсаларнинг шарридан (ёмонлигидан) паноҳ сўрайман. Сендан Ўзинг биладиган нарсаларнинг хайрини (яхшилигини) сўрайман. Мен Сендан Ўзинг биладиган нарсадан истиғфор сўрайман. Албатта, Сенинг Ўзинг ғайбларни ўта яхши билувчисан».

Расулуллоҳ соллаллоҳу алайҳи васалламнинг ушбу дуолари ҳам жамловчи дуолардан бўлиб, ўзида кўп яхшиликларни жамлагандир.

«Аллоҳим! Албатта, мен Сендан ишда саботни сўрайман».

Яъни «Динда собитқадам бўлишни сўрайман».

«Ва рушдда азми қарорни сўрайман».

«Ҳар бир тўғри ишни ўз вақтида ва қойиллатиб адо қилишга муваффақ бўлишни сўрайман».

«Сендан неъматингга шукр қилишни, ибодатингни гўзал қилишни сўрайман».

Ўзига берилган неъматга шукр қилиб бориш ҳам банда учун катта бахт.

Ибодатни гўзал қилиш уни тўла-тўқис, камчиликларсиз адо этишдан иборатдир.

«Сендан содиқ тил ва солим қалб сўрайман».

Яъни «Тилимдан ҳаром қилинган ва беодоб гаплар, ёлғон чиқмасин. Қалбимда куфр, нифоқ ва шариат ман қилган эътиқоду фикрлар бўлмасин».

«Сендан Ўзинг биладиган нарсаларнинг шарридан (ёмонлигидан) паноҳ сўрайман».

«Чунки ўзим билмай қилган, Сен билган гуноҳларим кўп».

«Сендан Ўзинг биладиган нарсаларнинг хайрини (яхшилигини) сўрайман».

«Уларнинг барчасини ёлғиз Ўзинг биласан».

«Сендан Ўзинг биладиган нарсадан истиғфор сўрайман».

«Мен истиғфор айтишим лозим бўлган нарсани фақат Сен тугал биласан».

«Албатта, Сенинг Ўзинг ғайбларни ўта яхши билувчисан».

«Шунинг учун ҳамма нарсани Сенинг илмингга ҳавола қилмоқдаман».

«Ҳадис ва ҳаёт» китобининг 35-жузи

Ўзбекистон Республикаси Дин ишлари бўйича қўмитанинг 2023 йил 2 августдаги 02-07/6202-рақамли хулосаси асосида тайёрланди.